

# MOSHE

o Lokolla Setšhaba sa Modimo



**MAPULA-MARTHA MALATJI**

*Diswantšho ka Jonanda Kannemeyer*

## **MOSHE O LOKOLLA SETŠHABA SA MODIMO**

© 2023 One Heart  
Kgatišo ya pele 2023  
E gatišitšwe Afrika Borwa  
ISBN: 9781776475643

***Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go [www.oneheartforkids.co.za](http://www.oneheartforkids.co.za).***

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart  
17 Pelikaan Street  
Stellenbosch, 7600  
South Africa  
[www.oneheartforkids.co.za](http://www.oneheartforkids.co.za)


Mongwadi: Dr. Mapula Martha Malatji  
Mothaladiswantšho: Jonanda Kannemeyer  
Morulaganyi: Elizabeth Phala  
Motlanyi: Imprint Publishing

Dikanegelo Tša Beibele  
**TESTAMENTE YA KGALE**

**EKISODO 1-14**

**MOSHE**

o Lokolla Setšhaba sa Modimo



**K**galekgale kua Egepeta, go be go na le monna yo bohlae a bitšwa Moshe. O belegwe nakong yeo Faro, mmuši wa Egepeta, a ilego a laela gore masea ka moka a bašemane a Baheberu a lahlelwe Nokeng ya Nile. Mmago Moshe, Jogebede, o be a mo rata kudu gomme a nyaka go mo šireletša.

Jogebede o ile a tsenya Moshe ka serotong, a mo tsenya ka gare ga mahlaka lebopong la noka. Kgaetšedi ya lesele Meriamo o ile a lebelela a le kgole, a lekola polokego ya ngwanabo. Ke moka morwedi wa Faro a tla nokeng go tlo hlapa. A bona lesele Moshe gomme a roma yo mongwe wa makgoba a gagwe go mo tšea. A mo kwela bohloko, a mo amogela e le morwa wa gagwe.

Moshe o goletše mošate e le kgošana ya Egepeta.



Mengwaga ka morago, o ile a boela go etela batho ba gabo. Baheberu ba be ba dirišwa e le makgoba. Ba gapeletšwa go šoma ka thata gomme ba swarwa ka go hloka toka ke BaEgepeta. Ka letšatši le lengwe, Moshe a bona MoEgepeta a betha Moheberu. A tsena ditaba gare go šireletša Moheberu. Ka phošo a bolaya MoEgepeta.

Ka ge a be a boifela bophelo bja gagwe, Moshe a tšhabela leganateng la Midiane. O ile a bona badiši ba bangwe ba Ba-Media ba swara basadi ba bangwe gampe. A thuša basadi bao. Tatago bona, moperisita Jethro, a leboga kudu. A neela Moshe legae gomme a mo nea morwedi wa gagwe Tsipora go mo nyala.

Tšatšing le lengwe a dišitše mohlape wa Jethro, Moshe a bona sethokgwa se tuka ka mollo eupša se sa swe. Sethokgwa sa bolela le yena sa re: “Ke nna Modimo wa tatago, Modimo wa Aborahama, Modimo wa Isaka le Modimo wa Jakobo.” Modimo o boditše Moshe gore a ntšhe batho ba gagwe Egepeta.



Moshe o be a tshwenyegile mathomong, eupša ka thušo ya Modimo, a boela Egepeta go yo lebana le Faro. Modimo o ile a romela dikotlo tše lesome godimo ga BaEgepeta gore a kgodiše Faro gore a lokolle Baheberu ba sepele. Dinakong ka moka pelo ya Faro e be e thatafala, a gana go lokolla makgoba.

Nakong ya kotlo ya lesome, barwa ba maitšibolo a BaEgepeta ba ile ba bolawa, go akaretša le morwa wa leitšibolo wa Faro, ka gona Faro a ineela, a lokolla Baheberu. Ba ile ba swanelwa ke go akgofa, ba phutha dilo tša bona bakeng sa leeto. Ba be ba tshwenyegile ka gore Faro a ka fetoša kgopolo ya gagwe.





Baheberu ge ba tloga Egepeta, ba be ba eteletšwe pele ke kokwane ya leru mosegare le ya mollo bošego, di ba hlahla leganateng.



Faro o ile a fetola kgopolo ya gagwe, gomme a sepela ka dikoloi tša ntwaga go yo bušetša Baheberu morago. Ge Baheberu ba bona BaEgepeta le dikoloi tša bona tša ntwaga, ba tšhoga. Ba be ba le ka pele ga Lewatle le Lehwibidu.

Modimo a botša Moshe gore a emiše lepara la gagwe. Ke moka Modimo a aroganya lewatle gore Baheberu ba tšhabele nageng ye omilego. Modimo hlakahlakantšha madira a Egepeta ka lewatleng.

Ge Baheberu ba bona seatla se maatla sa Morena se lwa le BaEgepeta, ba boifa Morena gomme sa bota yena le Moshe mohlanka wa gagwe.





## **Thapelo**

Re a go reta Morena Modimo Tate ka go re lwanela le go re ntšha bokgobeng. Ga go yo maatla bjale ka wena.

## **Dipotšišo**

1. Jogebede o ile a šireletša leseba Moshe bjang?
2. Ke ka lebaka la eng Moshe a ile a tšhabela Midiane?
3. Ke eng se se gapeleditšego kgoši Faro go lokolla Baheberu?
4. Modimo o eteletše Baheberu leetong mosegare le bošego bjang?
5. O be o ka dira eng ge o palelwa ke go tshela Lewatle le Lekhwibidu?
6. Modimo o dirile eng ka BaEgepeta ge ba latelela Baheberu?


## Kgoši Letšatši wa moabi

**K**gosi Letšatši o be a buša motse wa Mphebatho moo go bego go na le mabenkele a mabedi a magolo a go swana le a Gauteng. Maina a mabenkele e be e le lebenkele la Maboneng le lebenkele la Gafane. Batho ba be ba reka lebenkeleng la Gafane ka gore le be le le kgauswi, mola la Maboneng le le kgole. Gore o fihle Maboneng o be o swanetše go tshela noka, ka bjalo go be go se bareki ba bantši.

Mo ga Gafane motlakase o be o fela o wele, ba sa kgone go ba le mekgwanakgwana ya go fokotša bothata bjo. Ge motlakase o boile, bašomi ba be ba gapeletšwa go dira dilo tše dintši mo nakong ye nnyane. Gona moo bašomi ba fokotšega.

Ge bašomi ba fokotšegile, magotlo a ata. A ngwatha dipukwana tša bana, a ngwatha dihemphe tša sekolo a be a tsenelela le dijo. Ke moo kua Gafane, ba bona bokaone e le go iša ditheko godimo.

Kgoši letšatši a tla a tsebišwa ka bothata bjo. Barutiši ba botša kgoši gore ge ba laela barutwana go ya go reka dipuku le dipene, bana ba a gana ba re ga Gafane go a tura, ga ba hwetše thušo ka bonako e bile go ditšhila.



Barutiši ge ba laela kua mošate, ba rile, “O kgosi Letšatsi. Re fe seetša bjalo ka leina la gago Letšatši.”

Kgoši Letšatši a lala a rapela a re, “Modimo Tate, mphe bohlale bja go thuša setšhaba. Batho ge ba le leswiswing ga ba kgone go sepela. Ba a wa ba a robega. Bjale ke tla buša bjang setšhaba sa digole?”

Morago ga matsatšinyana kgoši Letšatši a be a šetše a kwane le balaodi ba di-bese tša Leeto la Polokwane ka ditefelo tša mošate go iša le go buša bareki lebenkeleng la Maboneng moo dilo di sa tureng, motlakase ga o we, dijo ga di bole, go hlwekile, bašomi ba fela ba thabile.

Bjalo ka tlwaelo ya setšo sa badudi ba Mphebatho, e be e re ka nako ya lehlabula ge go bunwa, ba išetše kgoši Letšatši mabele. Yo mongwe o kgonne le go mo rekela terekere go lema!





## **Thapelo**

Modimo Tate go wena re kgopela o re fe baetapele  
ba go rata go go rapela ka mmele, pelo le moya.  
Bohlale le tšohle di tšwa go wena.

## **Dipotšišo**

1. Lebenkele la Maboneng le la Gafane a be a fapaana  
bjang ka leeto?
2. Ke eng tše di bego di sa thabiše setšhaba gomme di  
rekišwa ga Gafane?
3. Kgoši Letšatši o be a buša kae?
4. Bolela thapelo ya Kgoši Letšatši.
5. Naa wena o be o ka iša pele go reka lebenkeleng la  
Maboneng?

## **Mantšú a maswa**

**Kgopolo** = monagano


**Šireletša** = phološa

**Makgoba** = malata


**Lepara** = kota

**Tura** = theko-godimo

**Moshe o Lokolla Setšhaba sa Modimo ke ye nngwe ya dipuku tše 20 tše di bontšhago dikanegeto tše 10 tša Testamente ya kgale le tše 10 tša Testamente ye ntsywa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.**



Puku\_1



Puku\_2



Puku\_3



Puku\_4



Puku\_5




Puku\_6




Puku\_7



Puku\_8




Puku\_9



Puku\_10



Puku\_11




Puku\_12




Puku\_13



Puku\_14




Puku\_15



Puku\_16




Puku\_17



Puku\_18



Puku\_19



Puku\_20

## **Moshe o Lokolla Setšhaba sa Modimo**

Kanegelo ya Moshe e re ruta gore go na le dinako tša boima bophelong. Ke moo Modimo a ilego a bontšha Baheberu maatla a gagwe ka go ba lokolla bokgobeng, a ba tshediša Lewatle le Lekhwibidu.

## **Kgoši Letšatši wa moabi**

Kanegelo ye e ruta gore Modimo ke yena a kgethago baetapele. O kgethile Kgoši Letšatši go ntšha setšhaba sa gage leswiswing go se iša leseding. A tšwela pele ka go hwetša dineo go tšwa setšhabeng gobane le yena o be a abela.



9781776475643

Sepedi